



YIHOOWA KAWOTETTA ERISIIYA

WOCHCHIYO KEELAA

**XOOSSAA
KAWOTETTAY
AYBEE?**



KESUWAA

3 “Ne Kawotettai Yo”—Miilooniyan Qoodettiya Asay Darotoo Woossiyo Woosaa

4 Xoossaa Kawotettay Nuussi Koshshiyoy Aybissee?

6 Xoossaa Kawotettaa Kawoy Oonee?

8 Xoossaa Kawotettay Sa’aa Awude Haarane?

11 Xoossaa Kawotettay Ay Oottanee?

14 Xoossaa Kawotettawu Ha”i Exata!

16 Xoossaa Kawotettay Aybee?

YIHOOWA KAWOTETTAA ERIISSIYA
WOCHCHIYO KEELAA

Vol. 141, No. 6 2020 WOLAITA
Attamettiyo Qoodaa: 93,281,000
Qassi 369 QAALAN giigees

HA XUUFEE, Xoossaa Yihooway Ubbaa Haariyaagaa gidiyo gishshawu A sabbees. Qassi saluwan de’iya Xoossaa Kawotettay mata wode iitatetta ubbaa xayssidi sa’aa gannate oottanaagaa yootiyo mishiraachuwan asaa minttettees. Nuuni merinaa de’uwaa demmana mala hayqqidaagaa, qassi ha wodiyan Xoossaa Kawotettaa Kawo gididi haariya Yesuus Kiristoosa ammananaadanka minttettees. Hagee Yihoowa Markkati 1879ppee doommidi attamissiyo maxeete gidishin, polotika allaalletuppe naxa. Timirtte ubbawu Geeshsha Maxaafaa baaso oottees.

The Watchtower (ISSN 0043-1087)
May/June 2020

© 2020 Watch Tower Bible
and Tract Society of Pennsylvania.
Printed in Germany.

© Druck und Verlag: Wachturm Bibel-
und Traktat-Gesellschaft, Selters/Ts.,
V. i. S. d. P. Manfred Steffensdorfer, Selters/Ts.

TOOPHIYAWU:
Yeyihowa Misikiroch
P. O. Box 5522
Addis Ababa
Ethiopia

JARMANEYYO:
Jehovas Zeugen, Zweigbüro
65617 Selters
Germany

Hara ubba adrashaa be’anawu www.jw.org/en/
contact giyaagaa xeella.



Yiidi oychchanaadan
woy Geeshsha Maxaafaa
xanna’anawu koyay?

www.jw.org/wal xomoosa,

woyikko qommo baggan de’iya
adrashatuppe neeyyo injjeti-
yaasaa xaafa.

Ha xuufee bayzettiyaaba gidenna. Kumetta sa’an Geeshsha Maxaafaa tamarissanawu giigissiyooabaappe issuwaa; he oosoy asay ba dosan immiyo miishshan oosettees. Miishsha immanawu koyikko, donate.jw.org xomoosa. Hara qonccisoy imettana xayikko, xiqiseti Wolaytatto Geeshsha Maxaafaappe ekettidosona. “NW” giyaagee, xiqisee Ooratta Alamiyaa Geeshsha Maxaafaappe ekettidoogaa bessees.



“Ne Kawotettai Yo”

MIILONIYAN QODETTIYA ASAY DAROTOO WOOSIYO WOOSAA

Xoossaa Kawotettay yaanaadan woossa eray? Aadhdhida daro xetu layttawu, miilooniyana qoodettiyaageeti “Ne Kawotettai Yo” yaagidi zaari zaari woossidosona. Eti heгаа zaari zaari woossiyoy aybissee? Yesuusi A kaalliyaageeti Xoossaa Kawotettawu woossanaadan yootido gishshataassa.

Koyro heeran, Yesuusi Xoossaa Kawotettaabaa yootido ubbabaa A kaalliyaageeti akeeki-bookkona. Eti issi wode A, “Godau, ha wodiyan Israa7eelatussi kawotettaa zaaruutee?” yaagidi oychchidosona. Yesuusi Xoossaa Kawotettay awude yaanaakko etawu yootibeen-na gishshawu maalalettannan aggokkona. (Oosuwaa 1:6, 7) Hegaa giyoogee Xoossaa Kawotettay aybakko, qassi awude yaanaakko nuuni erana danddayokko giyoogee? CHii, gidenna!

Ha *Wochiyo Keelay* kaallidi de’iya oyshatussi neeni zaaruwaa demmanaadan maaddana:

Xoossaa Kawotettay nuussi koshshiyoy aybissee?

Xoossaa Kawotettaa Kawoy oonee?

Xoossaa Kawotettay sa’aa awude haaranee?

Xoossaa Kawotettay ay oottanee?

Xoossaa Kawotettawu ha”i exatana koshshiyoy aybissee?

Xoossaa Kawotettay aybee?

Xoossaa Kawotettay Nuussi Koshshiyoy Aybissee?

Koyro asati merettido wode, nuna Medhdhida A sunttay Yihoowa gididoogee Haariyay A xalaala. I siiquwan haarees. I Edene giyoosan, asay de'anaadan lo"iya sohuwaa gannatiyaa giigissiis. I etawu gidi palahiya qumaakka immiis. Hegaa bollikka, I asawu ufayssiya oosuwaa immiis. (Doomettaabaa 1:28, 29; 2: 8, 15) Asay Xoossaa siiqo haaruwan de'ikko, eti sarotettan de'ana.

Guyyeppe Seexaana Dabloosa geetettida makkalanchcha kiitanchchay, Xoossawu asaa haariyo maatay de'ana danddayenna giidoogaa Geeshsha Maxaafay yootees. I Xoossaa kaaletoyenne haaroy baynnan, asay ufayttana giidi yootiis. Addaameenne Hewaana Seexanaa leemisuwaa kaallidi Xoossaa bolli makkalidoogee azzanttiyaaba.—Doomettaabaa 3:1-6; Ajjuuataa 12:9.

Addaameenne Hewaana Xoossay eta haarrennaadan ixkido gishshawu, Gannateenne wottiyoobi baynna merinaa de'uwaa hidootay etappe haliis. (Doomettaabaa 3:17-19) Eti kuuyidobay guyyeppe eti yelido naatakka qohiis. Geeshsha Maxaafay Addaamee nagaraa oottido gishshawu, “Nagarai ha sa7aa issi asa baggaara geliis; he nagarai banaara haiquwaa ehiis” yaagees. (Roome 5:12) Asaa nagaray hara wolqqaama metuwaa kaalettiis: “Asi bau de7iya haariyo maataa hara asa qohanau [go'ettees.]” (Eranchchaa 8:9) Hegaa

giyoogee asay asaa haariyo wode, awudenne metoy xayenna giyoogaa.

ASAA HAAROY DOOMMIIS

Asaa haarida koyro bitanee Naamiruuda gidiyoojaa Geeshsha Maxaafay yootees. Qasii I Yihoowa haaruwaa eqettiis. Naamiruuda wodeppe doommidi maatay de'yo asay ba maataa bessenna ogiyan go'ettees. Eranchcha Kawuwaa Solomoni 3,000 gidiya layttappe kase hagaadan giis: “Naaqettidaageeti banttana minttettiyaabaa xayidi yeekkoosona. Naaqqiyaageetussi gita maatai de7iyoo-gaappe attin, naaqettiyaageeta maaddiyaabi ooninne baawa.”—Eranchchaa 4:1.

Ha wodiyanikka hejaa mala. “Ha wodiyan iitabay haniyo waannaa gaasoy” haariya iita asati darido gishshataassa gidiyoojaa Kawotettatu Issippetettaa dirijitee 2009n giigissido issi xuufee qonccissiis.


ISSIBAA OOTTANA BESSIYO WODE!

Haariya lo'o asayenne lo'o aysoy ha alamiyawu koshshees. Qasii nuna Medhdhidaagee qaala gelidobay hejaa!

Xoossay asaa haaruwaa ubbaa xayssidi ba Kawotetta woy ba haaruwaa essana, qasii he Kawotettay “merinau eqqidi daana.” (Daaneela 2:44) Miilooniyan qoodettiya asay woossiiddi de'iyoy he Kawotettaa. (Maatiyoosa 6:9, 10) SHin he kawotettaa ayssiyaagee Xoossaa gidenna. SHin, asa gididi sa'an de'idaagee Haariyaagaa gidanaadan I sunttiis. Xoossay oona dooridee?



**Xoossaa haaruwan,
mereta ubbay issippetet-
taaninne sarotettan de'iis**



**Koyro asati Xoossay
eta haarenaadan
ixxidosa**



**Naamiruudi Yihoowa
haaruwaa eqettiis**



**Keehi lo"o gidida kawotet-
tatikka asa gakkiya gita
metota xayssana dandda-
yibookkona**



Xoossaa Kawotettaa Kawoy Oonee?

Xoossaa Kawotettaa Kawo gidanay oonakko eranaadan maaddiya darobata Geeshsha Maxaafan xaafanaadan Xoossay darota denttettiis. Kawo gidanaagee

Xoossan doorettiis. “Ta kawuwaa kawoyaas . . . Taani kawotettaa ubbaa neeyyo immanna; sa7a ubbai nebaa gidana.”—Mazamure 2: 6, 8.

Kawuwaa Daawita zare. “Na7i nuuyyo yelettiis! Attuma na7i nuuyyo imettiis! . . . A kawotettaa daruwaunne a sarotettau zawai de7enna, . . . Daawita kawotaa araataaninne a kawotettan i kawotana.”—Isiyaasa 9:6, 7.

Beetaliheemen yelettiis. “Beetaliheeme[e] . . . , asaa haariyaagee taayyo neeppe kiyana. . . . I sa7aa gaxaa gakkanaashin gita.”—Mikiyaasa 5:2, 4.

Asay A ixxiisinne woriis. “Karettiis; nuunikka a bonchchibookko. . . . I nu mooruwaa gishshau, cadettidi masunxxiis; nu nagaraa gishshaukka shocettidi liiqiis.”—Isiyaasa 53: 3, 5.

Hayquwaappe denddiisinne bonchchettiis. “Tana Si7ooliyau aattada immakka; neeni nenan ammanettiyaagaa musissakka. . . . Ne ushachcha baggaara ufaissai merinau de7ees.”—Mazamure 16:10, 11.



Yesuus Kiristtoosi Asaa Loyttidi Haarana Danddayees

Asi de'ido wode ubban ha qommoo-ra qonccidabati polettidooy asaa loyttidi haarana danddayiya issi ura bolli xallaana; hegeekka Yesuus Kiristtoosa. Issi kiitanchchay Yesuusa aayee Mayraamiyyo hagaadan giis: “Godai ayyo a aawaa Daawita kawotettaa immanna, . . . a kawotettaassi wurssetti baawa.”—Luqaasa 1:31-33.

Yesuusi sa'an mule haari erenna. Gidoppe attin, I Xoossaa Kawotettaa Kawo gididi saluwan uttidi asaa haarana. A ooppenne aadhhiya Kawo oottiyay aybee? Yesuusi sa'an de'iyo wode oottidobaa be'a.



- **Yesuusi asawu qarettiis.** Yesuusi asaa eta wogan woy eta hanotan shaakkennan, attumaa maccaa, yelagaa cimaa ubbaa maaddiis. (Maatiyoosa 9:36; Marqqoosa 10:16) Inchichichay oyqqido issi bitanee, “Neeni koyikko, tana pattanau danddayaasa” yaagidi woossin, Yesuusi qarettidi A pattiis.—Marqqoosa 1: 40-42.
- **Xoossaa waati ufayssanaakko Yesuusi nuna tamarissiis.** I, “Xoossaassinne miishshaassi haarettanau danddayekketa” yaagiis. Hara asay nuna oyqqanaadan koyiyo ogiyan nuunikka harata oyqqana koshshiyooagaakka I yootiis. Hegaa bollikka, nuuni oottiyobaa xallay gidennan, nu qoppiyoobaykka Xoossaa ufayssiyoogaa Yesuusi qonccissiis. Hegaa gishshawu, Xoossaa ufayssanawu nu wozanan qoppiyoobankka naagettana bessees. (Maatiyoosa 5:28; 6:24; 7:12) Tumuppe ufay-

ttanawu, nuuni oottanaadan Xoossay koyiyoobaa erananne hegaa oottana bessiyoo-gaa Yesuusi qonccissiis.—Luqaasa 11:28.

- **Yesuusi harata waati siiqanaakko tamarissiis.** Yesuusi haasayiyobayanne oottiyobay ezggiyaageetu wozanaa denttettiis. “Asai i tamarissiyoogan garamettiis. Aissi giikko, i eta tamarissiiddi, . . . bau alaa fetetta de7iyo asadan tamarissees.” (Maatiyoosa 7:28, 29) I, “Intte morkketa siiqite” giidi eta tamarissiis. A hayquwawu oyshettiya issotu issotu gishshawukka I, “Ta Aawau, eti bantta oottiyoo-gaa erenna gishshau, eta nagaraa atto ga” giidi woossiis.—Maatiyoosa 5:44; Luqaasa 23:34.

Yesuusi alamiyaa loyttidi haarana danddayiya maaddiyaanne keha Kawo. SHin I haaruwaa doommiiyoy awudee?

Xoossaa Kawotettay Sa'aa Awude Haaranee?

Yesuusa kaalliyaa ammanettidaageetuppe issoti issoti Xoossaa Kawotettay haariyoogaa awude doommanaakko eranawu koyidosona. Xoossaa Kawotettay sa'an haariyoogaa awude doommanaakko eti erana koshshennaagaa yootiyoogan eta oysha Yesuusi zaariis. (Oosuwaa 1:6, 7) SHin, I hegaappe kasetidi, issi wodiyan polettiya daro malaatata be'iyoo wode "Xoossaa kawotettai gakkana matattidoogaa" qassi Xoossaa Kawotettay sa'aa haariyoogaa doommidoogaa eti eranaagaa yootiis.—Luqaasa 21:31.

YESUUSI YOOTIDO HANANABATI AYBEE?

Yesuusi hagaadan giis: "Deree deriyaa bolli, kawotettai kawotettaa bolli denddana. Biittai wolqqappe qaaxxiyoogee, daro sohuwan koshai, wurssiya harggee yaana." (Luqaasa 21: 10, 11) Kushe ashaaray yafarata medhdhiyoogaadan, ha hanotati ubbay qoncce gidida malata. Qassi kushe ashaaray issi ura dummayidi erissiyooogaadan, ha hanotati ubbay issi wodiyan polettiyoogee "Xoossaa kawotettai gakkana matattidoogaa" qoncciyaa erissees. Ha malaatati issi wodiyan polettidoonaa, qassi hege kumetta alamiyan hanidee? Ane naqaashata be'ooos.



1 OLAA

Awudeegaappenne aaruwan keehi daro asaanne heeraa qohida olay 1914n dendda ola. Taariikiyaa eranchchati darotoo 1914y asaa de'uwa laammida laytta gidiyoo-gaa yootoosona; he layttan koyro alamiyaa olay doommiis. He olan tankkiyaa, bol-lappe olettiya bombiyaa, matireesiyaa, marzze gaaziyaanne hegeeta milatiya hara iita olaa miishshata koyro go'ettidosona. Hegeekka atomike ola miishshaa koyro go'ettido naa"antto alamiyaa olaa kaalettiis. Asay 1914ppe doommidi issi heeray hara heeraara woy issi biittay hara biittaara olettees; qassi he olan miilooniyaa qoodettiya asay hayqqiis.



2 BIITTA QAATTAA

Britaanika Akadamik giyo maxaafay keettaa laaliya "wolqqaama biittaa qaattay" layttan layttan 100 gidiyaagee denddiyoogaa yootees. Qassi Biitta Giddo Hanotaa Xanna'iya Amarkkaa Biitta Dirijitee, "Adussaa wodiya-wu (1900 heerappe doommidi) xaafettidabay bessiyooogaadan, layttan layttan 16 gidiya keehi wolqqaama biittaa qaattaa naagana danddayoos" yaagiis. Issi issi sayntistteti biittaa qaattaa qooday gujjidoogee biittay qaaxxidoogaa kaseegaappe aaruwan erana danddayikkonne, wolqqaama biittaa qaattay kumetta alamiyan kase hani erenna hanotan waayiyaanne hayquwaa gattiiddi de'iyoo-gaa tuma.



3 KOSHAA

Darotoo koshaa kaalettiyaabati olaa, maatan de'yaageeti ammanettennaageeta gidioogaa, hiyyeesatettaa, goshshaa bessiyaagaadan goyennaagaa woy wolqqaama carckuwa laamiyawu kasetidi giigetennaagaa. Alamiyan kattaara gayttidabaa oottiya dirijitee, "2018n zaarettidi xeellidoban" haagaadan giis: "Kumetta alamiyan 821 miiloonne asay gidiyaagaa keena meenna; qassi 124 miiloonne asay keehi namisettees." Bollawu keehi kosshiya qumaa demmennaagaappe denddidaagan 3.1 miilooniy qoodettiya naati layttan layttan hayqqoosona. Hegee 2011n, kumetta alamiyan hayqqiya naatuppe xeetaappe 45 kushe.



4 WURSSIYA HARGGIYAA

Kumetta alamiyan payyattaara gayttidabaa oottiya dirijitee attamissido xuufee hagaadan gees: "Laatamanne issininnta xeetu layttay wolqqaama wurssiya harggetun erettiis. Beniisappe de'ya koleray, asaappe asaa oyqqiya woriya harggee, qassi mishuwaanne qoxuwaa ehiya harggee simmidi aakkidosona; qassi SARS, wolqqaama oshinchchaa, MERS, lboolanne Zika geetettiya ooratta harggeti merettidosona." Mata wode qassi, koronaa harggee denddiis. Sayntisttettinne dottoreti harggiyaabaa daro erikkonne, ubba harggetussi xaliya demmana danddayibookkona.



5 KUMETTA SA'AN SABBAKIYO OOSUWAA

Yesuusi, "Asa ubbau marka gidana mala, kawotettaa wonggeliyaa mishiraachchoi sa7a ubban odettana; hegaappe guyyiyan, wurssettai gakkana" giidi hara malaata yootiis. (Maatiyoosa 24:14) Ha alamiyan wolqqaama me-toynne makalay de'ishinka, sa'aa ubban de'ya hosppun miilooniyaappe dariyaageeti 240 biittatun, 1,000ppe dariya qaalatun Xoos-saa Kawotetta mishiraachchuwaawa awaajjoosona. Hegaa malabay kase hani erenna.

MALAAATAY AY BESSII?

Yesuusi yootido malaatay ha wodiyan polettiiddi de'ees. Nuuni hegan ufayttana koshshiyoy aybissee? Yesuusi, “Intte hegee haniiyoogaa be7iyo wode, Xoossaa kawotettai gakkana matattidoogaa erana” giido gishsha-taassa.—Luqaasa 21:31.

Yesuusi yootido malaatatu poloyne Geeshsha Maxaafaa wodiya qooday Xoossay Kawotettaa saluwan essidoy 1914na gidiiyoogaa akeekanawu maaddees.* He layttan,

* Gujjada 1914baa eranawu koyikko, Yihoowa Markkati attamissido, *Merinawu Ufayttada De'a!* giyo maxaafaa timirtte 32 xeella.

I ba Na'aa Yesuus Kiristtoosa Kawo oot-tidi sunttiis. (Mazamure 2:2, 4, 6-9) Matan Xoossaa Kawotettay sa'aa haarana; qassi issoy issuwaara olettiya kawotettaa ubbaa xayssidi asay merinawu de'anaadan sa'aa gannate oottana.

“Ne kawotettai yo; ne shenee saluwan hanidoogaadan, sa7ankka hano” giidi woossanaadan Yesuusi tamarissido woossay matan polettana. (Maatiyoosa 6:10) SHin, 1914n saluwan eqqoosappe doommidi he Kawotettay ay oottiiddi takkidee? Qassi saluwaa Kawotettay muleera sa'aa haariyo wode nuussi ay oottana giidi naagana danddayiyo?

Matan, he Kawotettay
Xoossaa shenee
sa'an hananaadan
oottana

Xoossaa Kawotettay Ay Oottanee?

Erissiyoo ashkkarati he Kawotettay yaanaadan woossana mala Yesuusi tamarissiiis. Sa'an haniya keehi iitabay Xoossay koyiyooaba gidennaagaanne Xoossaa Kawotettaa xallay hegaa giigissana danddayiyoogaa I erees. Xoossaa Kawotettay ay oottanee?

XOOSSAA KAWOTETTAY AY OOTTIDEE?

Yesuusi yootido malaataa hagaappe kasetiya huuphe yohuwan be'ida. Yesuus Kiristtoosi Kawo gidido Xoossaa Kawotettay saluwan eqqidoogaa hegee bessees.

Yesuusi Kawo gidido wode Seexaanaanne daydanttata saluwaappe duge olidoogaa Geeshsha Maxaafay yootees. Ha wodiyan eti nuna qohoosona; keehi iitabay 1914ppe doommidi haniyo issi gaasoy hegaa.—Ajjuu-taa 12:7, 9.

Alamiyaa hanotay yaa iiti iiti biikkonne, Xoossaa Kawotettaa Kawo gidida Yesuusi kumetta sa'an de'iya asaa maaddiyaabaa oottiis. Yesuusi kasetidi yootido kumetta sa'an Geeshsha Maxaafaa tamarissiyoo oosuwaa baggaara, daroti Geeshsha Maxaafay yootiyo maarata tamaridi bantta de'uwan oosuwaa peeshshiiddi de'oosona. (Isiyaasa 2:2-4) Miilooniyan qoodettiyaageeti minni oottiyoogaabaa, so asaa de'uwaa giiga oottiyoogaabanne aquuwawu ayye gidennan hegaa bessiyaagaadan xeelliyooogaabaa tamaridona. He asati ha wodiyan go'ettanawunne Kawotettawu haarettiyaageetuppe Xoossay koyiyooabaa oottiya asa gidanawu tamarididi de'oosona.

Asaa haariya miilooniyan qoodettiya asay gattido qohuwaa ubbaa
Xoossaa Kawotettay giigissana. Xoossaa Kawotettay:

POLO PAYYATETTAY DE'ANAADAN OOTTANA



SAROTETTAYNNE WOPPAY DE'ANAADAN OOTTANA



XOOSSAA KAWOTETTAY KAALLIDI AY OOTTANEE?

Yesuusi saluwan haariiddi de'ikkonne, asaa kawotettay sa'an haariiddi de'ees. Gidikkonne, Yesuusi 'ba morkketu gidдон haaranaadan' Xoossay yootiis. (Mazamure 110:2) Matan, Yesuusi eqettiyaageeta ubbaa muleera xayssana; qassi Xoossawu eeno giidi azazettiyaageeta metuwaappe woppissana.

Mata wode Xoossaa Kawotettay oottanabata

- **Worddo haymaanootiyyaa xayssana.** Haymaanooteti Xoossaabaa wordduwaa ta-maarissidosona; qassi hegee asawu de'oy yaa iitanaadan oottees. Geeshsha Maxaafay worddo haymaanootiyyaa shaaramuxen leemisees. I xayoy darota keehi dagantana.—Ajjuuataa 17:15, 16.

- **Asaa kawotettaa xayssana.** Xoossaa Kawotettay asaa haaruwaa ubbaa xayssana.—Ajjuuataa 19:15, 17, 18.
- **lita asata xayssana.** Iitabaa oottanawu murtidi Xoossaa Kawotettawu haarettanawu shenehoo giidaageeti shin? “Iitati biittaappe xoqollettana.”—Leemiso 2:22.
- **Seexaanaanne iita ayyaanata xayssana.** Seexaanaynne daydanttati “asa zaretanaa77anttuwaa [balettana]” danddayokkonna.—Ajjuuataa 20:3, 10.

Xoossaa Kawotettassi haarettanawu eeno giyaageeti shin?

UFAYSSIYA OOSOY DE'ANAADAN OOTTANA



XOOSSAA KAWOTETTAY ASAWU AY OOTTANEE?

Yesuusi Kawo gididi saluwan haariyo wode haariya ooninne oottibeennabaa oottana. I asaappe doorettida banaara haariya 144,-000tura hashetidi haarana. (Ajuutaa 5:9, 10; 14:1, 3) Xoossaa shenee ha sa'an hananaadan I oottana. Xoossaa Kawotettay sa'an de'iya asawu ay oottanee?

- **Harggiyaanne hayquwaa xayssana.** Yan “de7iya ooninne, ‘Taani harggais’ yaa-genna;” qassi ‘hayqoy de'enna.’—Isiyaasa 33:24; Ajuutaa 21:4.
- **Tumu sarotettaanne woppaa ehaana.** ‘Ne attuma naatu sarotettay darana;’ qassi “asi ubbi ba woiniyaa turaa kuwaaninne balasiyaa kuwan woppu giidi uttana; ai asinne eta yashissenna.”—Isiyaasa 54:13; Mikiyaasa 4:4.

SA'AYNNE CARKKOY GIIGANAADAN OOTTANA



- **Ufayssiya oosuwaa immana.** “Taani doo-ridoogeeti bantta adussa wodiyau bantta kushiya oosuwan ufaittana. Eti coo daa-furokkona.”—Isiyaasa 65:22, 23.
- **Sa'anne carkkuwaa mooriyaabata xayssana.** “Bazzoinne mela biittai ufaittana; bazzo'i ufaissaa poccu giiddi, ciishshaa ciyyana.”—Isiyaasa 35:1.
- **Asay merinaa de'uwaa demmanawu ay oottana koshshiyaakko tamaranaadan oottana.** “Asai nena issi Xoossaa gidi-daagaa erana malanne, qassi neeni kiittido Yesuus Kiristtoosa erana mala, hagee merinaa de7o.”—Yohaannisa 17:3.

Neeni he anjjota demmanaadan Xoossay koyees. (Isiyaasa 48:18) Neeni sinttappe he anjjota demmanawu ha'i ay oottanaakko kaalliyaa huuphe yohoy qonccissana.

Xoossaa Kawotettawu Ha'i Exata!

Wolqqaama gotee intte moottaa maatiiddi de'ees gaada qoppa. Kawotettaa sunttati he moottaa yeddidi attiyoosaa baanaadan ubba asawu yootiiddi de'oosona. Neeni ay oot-tuutee? Attiyoosaa baqatanaagee qoncce.

Hegaadankka, Yesuusi 'gita waayiyaa' giido keehi qohiyaabay mata wode nuna ubbaa gakkana. (Maatiyoosa 24:21) Hegaappe attanawu issisaa baqatana danddayokko. SHin nuuni attanawu issibaa oottana danddayoos. Ay oottana danddayiyoo?

Yesuusi deriyaa bolli tamarissidoban, "Kasetidi, Xoossaa kawotettaanne a xillotettaa koyite" giidi zoriis. (Maatiyoosa 6:33) Nuuni hegaa waati oottanee?

Kasetidi Xoossaa Kawotettaa koyite. Hegaa giyoogee Xoossaa Kawotetta nuuni

aybippenne aaruwan xoqqu ootti xeellana koshshees giyoogaa. (Maatiyoosa 6:25, 32, 33) Xoossaa Kawotettaa hegaadan xeellana koshshiyoy Aybissee? Asaa metuwaa asay xayssana danddayibeenna gishshataassa. He metuwaa xayssana danddayiyay Xoossaa Kawotettaa xalla.

A xillotettaa koyite. Xoossay kessido xillotettaa higgiaadaanne maaraadan de'ana-wu baaxeta. Aybissi? Hegeeta shenehoo giidi lo'uwaanne iitaa nuuni nuussi kuuyikko, hegee azzanttiyaabaa kaalettana. (Leemiso 16:25) Hara baggaara qassi, nuuni Xoossay kessido maaraadan de'ikko, Xoossaa ufayssiyoogaa xalla gidennan, nuunikka goettoos. —Isiyaasa 48:17, 18.

Ubbatoo kasetidi Xoossaa Kawotettaanne A xillotettaa koyite. Issoti issoti wora simmanne danddayettida keenan daro miishshaa shiishshiyoogee woppaa demissees giidi qoppa danddayiyooqaa Yesuusi yootiis. Hara-

Kumetta sa'an, miilooniyan qoodettiya asati kasetidi Xoossaa Kawotettaa koyiyoogaa besanawu kaallidi de'iyaa-bata oottoosona



1 > Kawotettaa mishiraach-chuwaa siyoosona



2 > Geeshsha Maxaafaa loyttidi pilgoosona

ti de'uwaassi keehi un'ettiyoogee eti Xoossaa Kawotettaa koyanawu wode xayanaadan oottana danddayees.—Maatiyoosa 6:19-21, 25-32.

SHin, Xoossaa Kawotettawu exatiyaageeti ha wodiyan banttassi koshshiyaabaa qassi sinttappe merinaa anjuuwa demmanaagaa Yesuusi yootiis.—Maatiyoosa 6:33.

Koyro xeetu layttan, Yesuusi erissiyo ashkarrati kasetidi Xoossaa Kawotettaanne A xillotettaa koyikkonne, tugga ubbayne meto ubbay xayin be'ibookkona. SHin eti baqati attiyosaa demmidosona. Waatidi?

Xoossay kessido xillotettaa maaraadan eti de'idoogee Xoossay yootiyoojaa shenehoo giyaageeta gakkiya metuwaappe eta naagiis. Xoossaa Kawotettaa eti minttidi amaniyoogee eta gakkiya wolqqaama metuwaa genccanaadan maaddiis. Qassi gakkiya metuwaa eti genccanaadan “ubbaappe aadh-dhiya [wolqqaal]” Xoossay etawu immiis.—2 Qoronttoosa 4:7-9.

NEENI KASETADA XOOSSAA KAWOTETTAA KOYUUTEE?

Koyro xeetu layttan de'ida Kiristtaaneti Yesuusi kasetidi Xoossaa Kawotettaa koyanaadan yootido azazuwaa azazettidosona. Eti

Kawotettaa mishiraachchuwaa sa'aa ubban sabbakidosona. (Qolasiyaasa 1:23) Ha wodiyan, hagaadan oottiyaageeti de'iyoonaa?

Ee! Yihoowa Markkati Xoossaa Kawotettay ha iita alamiyaa mata wode xayssanaagaa eroosona. Hegaa gishshawu, eti: “Asa ubbau markka gidana mala, kawotettaa wonggeliyaa mishiraachchoi sa'aa ubban odettana; hegaappe guyyiyan, wurssettai gakkana” giidi Yesuusi azazidoogaa polanawu banttawu danddayettida ubbabaa oottoosona.—Maatiyoosa 24:14.

Neeni mishiraachchuwaa siyuutee? Neeni Maqidooniyan de'iya Beeriyaa kataman koyro xeetu layttan de'ida asaa mala gidanaadan minttettoos. Eti Xoossaa Kawotettaa mishiraachchuwaa kiitettida PHawuloo-sappe siyido wode, I yootidobaa “kumetta laamotan ekkidosona.” Yaatidi eti siyidobay tummakkonne shaakkanawu “Xoossaa maaxafata” loytti pilggidosona, qassi akeekidobaa oottidosona.—Oosuwaa 17:11, 12.

Neenikka hegaadan oottana danddayaasa. Kasetada Xoossaa Kawotettaanne A xillotettaa koyiyooogan, ha wodiyan naagettada de'ananne sinttappe merinaa sarotettaanne woppaa demmana danddayaasa.



3 > Xoossaa Kawotettawu exatiyaageetuura shiiqoosona



4 > Xoossawu haggazanawu koyiyoojaa bessoosona

Yihoowa Markkatu oosuwaabaa gujjada eranawu, jw.org websaytiyaa xomoosa.

He saytiyan 1,000ppe dariya qaalan giigidabay de'ees.

XOOSSAA KAWOTETTAY AYBEE?

Daro asay Xoossaa Kawotettay yaanaadan woossees; shin neeni hagaadan qoppana danddayaasa; Xoossaa Kawotettay aybee, qassi I ay oottanee?

GEESHSHA MAXAAFAY YOOTIYOOBAA QOPPA:

Xoossaa Kawotettay aybee?

Hegee Yesuus Kiristtoosi Kawo gidido saluwaa haaruwaa.—Isiyaasa 9:6, 7; Maatiyoosa 5:3; Luqaasa 1:31-33.

Xoossaa Kawotettay ay oottanee?

I ha iita alamiyaa xayssidi sa'an de'iya asawu merinaa sarotettaa ehaana.—Daaneela 2:44; Maatiyoosa 6:10.

Kasetidi Xoossaa Kawotettaa koyiyooqaa giyoogee woygiyoogee?

Hegee Xoossay sa'an de'iya hanotaa loyttanawunne I koyiyooqaa poliya he Kawotettaa xalla maaddiyooqaanne ammanettiyoogaa giyoogaa.—Maatiyoosa 6:33; 13:44.



HAYYANINTTA TAWU HA MAXAAFAY KIITTITE *Merinawu Ufayttada De'a!*

Xoossaa Kawotettaabaa gujjada eranawu, Yihoowa Markkati attamissido ha maxaafaa timirtte 31 xeella; qassi hagee www.jw.org/wal saytiyanka de'ees

QAALAY _____

SUNTTAY _____

ADRASHAY _____

Kiittiyo adrashaa sinttaa 2n xeella. Ha qitsiyaa kunttada yeddiyoogan, jw.org saytiyan xuuraa naagiyo higgiiyaa maaran taani tabaa qonccissido ubbabaa Yihoowa Markkati ta oychchidobaa polanawu go'ettanaadan maayays.



Ha maxeetiyaanne kase maxeeteta naxan dawunlode ootta



Intterneetiyaa xeetan qoodettiya qaalatun giigida Geeshsha Maxaafay de'ees

jw.org websaytiyaa xomoosa woy koodiyaa iskane ootta

